



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

De loco Oratorum.

urn:nbn:de:hbz:466:1-39157

quibusdam Patribus commisit, ut de varijs censuris, ac libris, vel suspectis, vel perniciosis, quid facto opus esset, considerarent; atque ad ipsam sanctam Synodum referrent: audiens nunc, huic operi ab eis extremum manum impositam esse; nec tamen, ob librorum varietatem, & multitudinem, distinctè, & commodè possit à sancta Synodo dijudicari; præcipit, ut, quidquid ab illis præstitum est, Sanctissimo Romano Pontifici exhibeatur; ut eius iudicio, atque auctoritate terminetur, & euulgetur. Idemque de Catechismo à Patribus, quibus illud ^{a Vide Sess. 24. 67.} mandatum fuerat, & de Missali, & Breviario fieri mandat.

DECLARATIONES.

De Missali.

Es de Missali] Pius V. in Bulla posita in Missali Romano, ex Decreto Concilii Tridentini à se restituto, sustulit omnes alias ceremonias, ritus & ritos ex alijs Missalibus, quantumvis vetustis hætenus observari consuetos, derogans consuetudini etiam immemorabili.

Celebrantes cum alio Missali, quam cum hoc reformato, qui alias ex dicta Bulla tenentur, incurrunt in peccatum mortale, si scienter & absque iusta & rationabili causa id faciant.

De loco Oratorum.

Declarat S. Synodus, ex loco assignato Oratoribus, tam Ecclesiasticis, quam secularibus, in sedendo, incedendo, aut quibuscumque alijs actibus, nullum cuiquam eorum factum fuisse præiudicium; sed omnia illorum, & Imperatoris, Regum, Rerumpublicarum, ac Principum suorum iura, & prærogativas illatas, & salvas esse, in eodemque statu permanere, prout ante præsens Concilium reperiebantur.

De recipiendis, & observandis Decretis Concilij.

Tanta fuit horum temporum calamitas, & hæreticorum inueterata malicia, ut nihil tam clarum in fide nostra

asserenda vniquam fuerit, aut tam certo statutum; quod non, humani generis hoste suadente, illi errore aliquo contaminauerint: ea propter sancta Synodus id potissimum curauit, vt precipuos hæreticorum nostri temporis errores damnaret, & anathematizaret; veramque & Catholicam doctrinam traderet, & doceret, prout dinouit, anathematizauit, & definiuit. Cumque tandem tot Episcopi, ex varijs Christiani orbis prouincijs euocati, sine magna gregis sibi commissi iactura, & vniuersali periculo ab Ecclesijs abesse non possint; nec vlla spes restet, hæreticos, toties, fide etiam publica, quam deliderunt, inuitatos, & tandem expectatos, huc amplius aduenturos; ideoque tandem huic sacro Concilio finem imponere necesse sit: superest nunc, vt Principes omnes, quod facit, in Domino moneatur ad operam suam ita persistendam, vt, quæ ab ea decreta sunt, ab hæreticis deuari, aut violari non permittant; sed ab his, & omnibus deuotè recipiantur, & fideliter obseruentur. Quod si in his recipiendis *aliqua difficultas oriatur*; aut aliqua interderint, quæ declarationem, quod non credit, aut definitionem postulant, præter alia remedia, in hoc Concilio instituta, confidit S. Synodus Beatissimum Romanum Pontificem curaturum, vt vel euocatis ex illis præter prouincijs, vnde difficultas orta fuerit, ijs, quos eius negotio tractando viderit expedire, vel etiam Concilio generalis celebratione, si necessarium iudicauerit, vel commodiore quacumque ratione ei visum fuerit, prouinciarum necessitatibus pro Dei gloria, & Ecclesiæ tranquillitate consulatur.

DECLARATIONES.

De recipiendis, & obseruandis Decretis Concilij.

1. Aliqua difficultas oriatur.] Causis grauib; quæ committuntur in Rota apponatur hæc clausula, quæ in causa Salamanticensi apposta fuit, scilicet *committatur in Rota, cum facultate inhibendi, prouia tamen matura causa cognitione. & Decretis Concilij in casibus editis diligenter prius consideratis, & discussis in Rota.*